

BX 890  
6383  
v.3



# ROBERTI OPERA OMNIA

## CONTROVERSIARUM

### DE MEMBRIS ECCLESIAE

#### LIBER TERTIUS

##### DE LAICIS SIVE SECULARIBUS

###### CAPUT PRIMUM.

*Ordo totius Disputationis.*

religionis; An vero permittere possit, ut quisque credat, ut voluerit. Secunda, An Magistratus debeat haereticos ab Ecclesia iudicatos et damnos punire, tam in libris eorum, quam in facultatibus, et in personis, etiam usque ad mortem.

###### CAPUT II.

*Proponitur prima questio: An politica potestas sit bona, et Christianis licita.*

Disserimus de duobus membris Ecclesie, id est, Clericis, et Monachis, superest ut dicamus de tertio, id est, de Laicis, sive secularibus, et simul de membris ab Ecclesia praeclisis, id est, de hereticis, quae omnia ad disputationem de Magistratu politico revocari possunt.

Tota haec Disputatio sex questionibus continetur. Primum enim, de ipsa politica potestate agendum est. Deinde, de officio ejus in rebus politicis. Tertio, de officio ejus in cause religionis.

De Primo sunt quæstiones due. Prima, An ista potestas sit res bona, et proinde Christianis licita. Secunda, An per peccatum amittatur.

De Secundo sunt due quæstiones. Prima, de officio Magistratus in conservanda Republica ab improbitate ciuium per leges, et iudicia, tam ciuila, quam criminaria, id est: An liceat Christianis leges condere, iudicia exercere et gladio ferire noxios, qui sunt actus proprii Magistratus. Secunda, de officio Magistratus in protegenda Repub. ab hostibus externis, id est: An liceat Christianis bella gerere, et huic addemus quasi collarium propter Lutherum: An liceat helare contra Turcas.

De Tertio sunt alia due quæstiones. Prima, An ad Magistratum pertineat cura

Est una ex precipuis haeresibus Anabaptistarum, et Trinitariorum hujus temporis: Non licere Christianis gerere Magistratus, nec debere esse illo modo inter Christianos prætoria, tribunalia, iudicia, jus gladii etc. Ministri, qui in Transylvania, Trinitatem, et Incarnationem, et parvolorum Baptismum oppugnant, ediderunt anno 1568, Alba Julie, Antitheses Christi veri et falsi; quarum septima est, Christum falsum habete in sua Ecclesia Reges, Princes, Magistratus, gladios, Christum verum nihil tale in sua Ecclesia pati posse.

Argumenta eorum haec sunt, vel, certe esse possunt. Primum, ex Scriptura. Matth. XVII: *Reges Gentium, a quibus accipiunt tributa etc, ergo liberi sunt filii.* Et Læcæ XXII. *Reges Gentium dominantur eorum: non sic erit inter vos.* Rom. XIII: *Nemini quidquam debeatis, nisi ut invicem diligatis.* I. Corinth. VII: *Pretio empti estis, nobile fieri servi hominum.* II. Corinth. VIII: *Unus Dominus.*

007341

Ephes. IV : *Unus Dominus, una fides, unum Baptisma, unus Deus.* (1).

Secundum, ab exemplis ; nam plerique Principum abutuntur potentia, et non solum non prosunt, sed etiam obsunt Reipublicam ut patet in ipso initio mundi de Cain, Genes. IV. de filiis Principum, Genes. VI. qui accipientes varias uxores, corrupti sunt omni scelere, et eorum causa postea venit diluvium. Item de Nemrod, Pharaone, Nabuchodonosor, et de Saul, Roboam, et ceteris ; nam post divisionem regni, ex Regibus Israel nullus fuit bonus.

Tertium, a fine ; nam Magistratus permisus fuit Iudeis propter imperfectionem temporis, erant enim pueri Judaei, et ideo regi debebant ab alio, ut patet Galat. IV. At nos viri sumus perfecti, et unctioni docet nos de omnibus.

Quartum, ab efficiente ; nam ista potestas non est Deo introducta, sed ab hominibus tyrannice usurpata ; Quis enim fecit Nemrod Regem ? quis Nabuchodonosor ? quis Nicanor ? quis Alexandrum ? quis Iulium Caesarem ? quis alios ? Hinc laudatur ille pirata, qui respondit Alexandre : ego quia cum parvo ligno diructus, pirata dico; tu quia cum magna classe orbem terrarum spolas, Imperator diceris. Augustinus lib. IV. civit. cap. 4. ex Marc. Tull. lib. III. de Republica.

Quintum, ab origine. Nam Deus creavit hominem liberum, et per peccatum introducta est subiectio ; ergo cum a peccato per Christum liberati simus, etiam a subiectione esse debemus. Antecedens patet ; nam Genes. I. non dicitur : Domininimi hominibus, sed : *Domininum piscibus maris etc.* Item mulier nunc non subiectior viro, nisi politica subiectio, tamen haec subiectio per peccatum introducta, ut patet Genes. III : *Sub viri potestate eris* (2) ; et praeterea ante diluvium primus, qui condidit civitatem, et inchoavit regnum politicum, fuit Cain, ut ex Genes. IV, deducit Augustinus lib. XV. civit. Dei cap. 1, post diluvium primus fuit Nemrod, Gen. X.

Denique id clare docent Patres. Augustinus libro XIX de civit. Dei c. 45 rationalem factum ad imaginem suam, noluit Deus nisi irrationalibus dominari, non hominem pecori. Inde primi justi, pastores magis peccorum, quam Reges hominum constituti

sunt ; ut hinc etiam insinuaret Deus, quid ordo postularer creaturarum, et quid meritum exigenter peccatorum. Gregorius libro XXI. moral. cap. 44. Omnes homines natura aequales genuit, sed variante meritorum ordine alios alias dispensatio occulta postponit. Ipsa autem diversitas, quae accessit ex vitio, recte est divinis iudicis ordinata, ut quia omnis homo iter vita non aequae graditur, alter regatur ab altero ; similia habet in Pastorali, part. 2. cap. 6.

Hanc haeresim non solum Catholici omnes execrantur, ac praecipe B. Thom. in opus. 20. et omnes Philosophi, sed etiam Philippus Melanchthon in locis, cap. de civili Magistratu, et Joan. Calvinus lib. IV. Institut. cap. 20. acerrime, et fusissime oppugnant, et Lutherus ipse in visit. Saxonica, eti ab ipsis verbis in Babyl. Captivitate, cap. de Baptismo, occasionem sumpserunt Anabaptiste.

Nos eam quinque argumentis refellemus ; nam tot etiam sunt adversariorum fundamenta. Primo, ex Scripturis. Secundo, ex exemplis Sanctorum. Tertio, ex fine seu necessitate. Quarto, ex causa efficiente. Quinto, ex origine.

### CAPUT III.

*Ex Scripturis asseritur politicus Magistratus.*

Quantum ad Primum, Scriptura Testamenti veteris plena est testimoniorum. Exod. XXII. Judges populi a Deo ipso vocantur Dei, sicut etiam Psalm. LXXXI : *Deus stetit in Synagoga Deorum, in media autem Deos iudicat* (3) ; cuius vocabulatio rationem explicat Josaphat, II. Paralip. XIX. ubi dicit judges, non hominem, sed Dei iudicis exercere, id est, loco Dei iudicare. Et similiter Deuter. I. monet Moses judges populi, ut iuste iudicent quia Dei iudicium est ; et Christus Joan. X : *Si illos dixit Deus, ad quos sermo Dei factus est, quem Pater sanctificavit, et misit in mundum etc.* (4) Ubi Christus vult dicere : Si Principes Deus vocat Deos, quia ad illos mandatum divinum factum est, ut iudicent loco suo,

(1) Matth. XVII, 24; Lue. XXII, 25; Rom. XIII, 8; I. Cor. VII, 23; II. Cor. VIII, 5; Eph. IV, 5. — (2) Gen. I, 28; III, 16. — (3) Psal. LXXXI, 1. — (4) Joan. X, 30.

cur non magis, etc. non enim quadrat quod ali dieunt, vocatos Deos eos omnes, quibus Deus locutus est. Si ergo Principes vocantur Dei, quia locum Dei tenent, non potest reprehendi manus Principum, nisi reprehendatur Dei ipsius manus.

Præterea Deuter. XVII. describit Moses leges Regi futuro, et in lib. Iudicium cap. ult. in ultimis verbis reddere volens Spiritus sanctus causam omnium malorum, que accederunt illo tempore, dicit : *In diebus illis non erat Rex in Israel, sed unusquisque, quod bonum sibi videbatur, hoc faciebat* (1). In eodem libro Iudicium, et in libro Regum passim habemus Deum excitantes Israeli Judices, aut Principes, per quos populum liberaret. Prov. VIII : *Per me Reges reguant* (2).

Respondent Anabaptistæ, Judeis fuisse permissus Magistratus propter imperfectionem : ac aliam rationem esse Testamenti novi.

At contra ; nam in primis Prophetæ predixerunt omnes Reges terræ servitulos Christianos, et Ecclesiæ : quod non potest fieri, ni si Ecclesiæ sint Reges. Psalm. II : *Et nunc Reges intelligite, eruditimini, qui iudicatis terram, apprehendite disciplinam* (3); secundum Hebreum *בְּרַכָּה osculamini filium, quem in eodem Psalmo Scriptura vocat Messiam; item Psalm. LXXI : Aderabunt eum omnes Reges terræ, omnes Gentes servient ei* (4) Isaiae LX. *Ambulabunt Gentes in lumine tuo, et Reges in splendore ortus tui.* Et cap. XLIX : *Erunt Reges, nutricti tui, et Regum nutrices tuae vultu in terra dimisso adorabunt te, et pulvere pedum tuorum lingent* (5); quod certe implutum vidimus in Constantino, Theodosio, Carolo Magno, et aliis, qui adoraverunt sepulchra Apostolorum et Martyrum, et Ecclesias ditaverunt, protexerunt.

Præterea, Christus, predicans Evangelium regni, inter alia dixit : *Redite quae sunt Cœsarisi, Cœsari, Matth. XXII. et Paulus Roman. XIII. jubet, ut Omnis anima potestatis subtilioribus subdita sit; non enim est potestas, nisi a Deo etc* (6). Et ibidem ter repetit, Principes seculares, quibus tributa redditur, esse ministros Dei. Quo loco uitetur etiam Irenaeus lib. IV. cap. 70. Item I. Timoth. II. jubet Apostolus nominatim orari pro Regibus. Quo loco uitetur Tertullianus in

(1) Jud. XXI, 24. — (2) Prov. VIII, 15. — (3) Psal. II, 10. — (4) Psal. LXXI, 11. — (5) Isaiae, 3; XLIX, 23; — (6) Matth. XXII, 21; Rom. XIII, 1. — (7) Tit. III, 1; I. Petri. II, 17. — (8) Matth. XIV, 45; Rom. XII, 8; Hebr. XIII, 17.

Apologet. cap. 31. quia calumniabant Ethnici Christianos, quod Magistratus nolent parere ; Ac certe si Evangelium non ferret Magistratum, oportaret orare pro destructione Regum et Principum. Ad Titum III : *Admoni illos principibus et potestatibus subditos esse* ; et I. Petri II : *Deum timete, Regem honorificate* (7).

Sed respondent, ex his testimoniosis probari, oportere nos parere Regi Ethnico, non autem licere Christianis regna possidere, et Magistratus gerere. Quibus nos respondeamus, Primum, non esse mirum, in Testamento novo non fieri multam mentionem magistratum ; nam Christus non venit constituere regnum politicum, sed regnum spirituale, et coeleste ; et similiter Apostoli in hoc regno spirituali commendando, et propagando occupati fuerunt : politicum reliquerunt, ut antea erat.

Addimus præterea, Licet non expresse Scriptura novi Testamenti approbet in Ecclesia magistratum politicum, tamen evidenter colligi ex adductis testimoniosis ; nam si Christiani licet subesse Regi Ethnico, cur non potius Regi Christiano ? et si licet Christiano subesse, cur non praecesse ? cum subesse, videatur magis contra libertatem Evangelicam, quam praecesse.

Denique, si Christianæ libertati repugnat subiectio, vel prefectura civilis, magis repugnat Ecclesiastica, quia Christiana libertas magis pertinet ad Christianum, ut est civis Ecclesie, quam ut est civis mundi : At non repugnat Christianæ libertati prefectura, vel subiectio Ecclesiastica, ut patet ex illo Matth. XXIV : *Quis putas est fidelis servus et prudens, quem constitutus Dominus super familiam suam ? Et ex illo Rom. XII : Qui praecedit in sollicitudine.* Et ex illo Hebr. XIII : *Obedite præceptis vestris* (8). Neque igitur repugnat prefectura, vel subiectio politica. Atque hinc solvit primum argumentum contra allatum.

Ad Primum ergo locum Scriptura, superiori capite contra allatum, dicendum est, Christum eo loco de scipo tantum loqui, et rectissime probare se, quia Filius Dei summi Regis esset, non fuisse obligatum solvere tributum ulli Principi, aliqui ipse idem jussit reddi censem Cesari, Matth. XXII. et

Apostolus Rom. XIII. *Cui tributum*, inquit, *tributum etc.* quamvis autem Christus de se proprie dixerit: *Ergo liberi sunt filii*, recte tamen ex hoc loco colligitur, Ecclesiasticos debere esse liberos a tributis, quia filius Regis ita liber est, ut propter eum etiam familia ejus libera sit, ut supra diximus in libro de Clericis cap. 25.

Ad Secundum, eo loco Christus instituit Ecclesiasticorum Magistratum, et eum distinguit a politico, et a politico corrupto, cui pompæ, superbia, fastus, annexa esse solent, quemam etiam politicum Magistratum, si intelligamus prohibitum esse Christianis, nihil absurdum dicemus, ibi enim non reprehenditur regnum, sed modus regnandi.

Ad Tertium, non vult Paulus dicere, non sinatis vos obligari ultra lege, sed solvite mature omnia debita; precedit enim: *Reddite omnibus debita, cui tributum etc.* Et quia solius amoris debitum nonquam ita reddi potest, quin semper temeari amare, ideo ait: *Neminī quidquam debeatis, nisi ut invīcēm diligatis* (1).

Ad Quartum dico, fieri servum hominem eo loco significare servire homini propter hominem tantum, nam aliqui ibidem Paulus horatatur servos, ut etiam si possint fieri liberi, tamen magis eligant servitudinem: et Gal. V: *Servite, inquit, mīcēm* (2).

Ad Ultimum dico, ibi nomen Domini proprie accipi, quomodo non convenit nisi Deo; nec proprieta tolluntur Reges, et Principes, qui non proprie domini sunt sed ministri Dei, qui unus verus est Dominus, nullus enim est titulus major. Nam verus Dominus duas habet conditiones, quae nulli creature convenient. Una est, ut possit pro libito uti re, cuius est Dominus, et eam augere, minuere, mutare, annihilare etc. Altera, ut nulli serviat, id est, nulla re indigat, sed seipso sufficiat ad omnia; ut recte notat Augustinus lib. de Genes. VIII. cap. 11, et deducit ex Psam. XV: *Dixi Domino, Deus meus es tu, quia bonorum meorum non neges* (3); nam in Hebreo est, dixi Domino, Dominus meus εστιν et hinc est quod LXX. interpretes ubique nomen proprium Dei εστιν reddiderunt per ιησον, et Hieronymus per Dominum: hinc etiam Augustus, ut Tertullianus refert in Apologet. cap. 34, nonquam se Dominum appellari passus est, quod intellegiter hunc titulum soli Deo convenire, et e contrario

reprehendit Suetonio incredibilis arrogans Domitianus, quod in Amphitheatro sibi acclamari libenter audiret: «*Domino, et Domina feliciter*» et quod juberet de se scribi: «*Dominus, et Deus noster, sic fieri jubet.*»

## CAPUT IV.

*Idem asseritur exemplis Sanctorum.*

Secunda ratio sumitur ab exemplis; nam si res mala esset principatus, numquam viri sancti eum gessissent; at habemus in Scriptura plurima exempla sanctorum Principum, ut Melchisedech Regis Salem, Josephi Patriarchæ, qui toti Ägypto utilissime praeftuit, Moysis, Josue, omnium fere Judicum, Davidis, Salomonis, Ezechie, Josaphat, Josie, Danielis, Mardochæi, Nehemias, Machabeorum, et aliorum.

In Testamento novo videamus Joan. IV. Regulum credidisse in Christum, nec tamnen jussum renuntiare principatum; et similiter Actor. XIII. Proconsulem conversum a Paulo, non propterea, deposuisse magistratum. Videamus deinde a S. Fabiano Papa, et Martire, et a tota Ecclesia admissum fuisse Philippum Imperatorem, nec illi imperatum, ut deponebat imperium, ut ex historiæ Eusebii lib. VI. cap. 23, colligatur.

Quod autem non sit in Testamento novo major copia exemplorum, ratio est, quia Deus voluit Ecclesiam suam inchoare ab hominibus pauperibus, et vilibus ut dicitur I. Cor. I, ne putaretur augmentum Ecclesie opus humarum, si favore Principum crevisset: imo e contrario voluit Deus primis 300 annis, ut Ecclesia totis viribus oppugnaretur ab Imperatoribus totius mundi, ut inde ostenderetur, opus suum esse Ecclesiam, et plus posse illum patiendo, quam possent illi cruciando.

Unde Augustinus in epist. 50, dicit Deum voluisse primo tempore impleri illam partem Psalmi II: *Astierunt Reges terræ etc.* Deinde sequenti tempore illam aliam: *Et nunc Reges intelligite: (4) sicut revera impletum videmus in Constantino, et successoribus ejus;*

(1) Rom. XIII, 7 et 8. — (2) Gal. V, 13. — (3) Psal. XV, 1. — (4) Psal. II, 2 et 10.

## CAPUT V.

siquidem videmus Constantinium divinitus edocum, et vocatum a Deo singulari miraculo, ut Eusebius refert lib. I. de vita Constantini. At si res mala esset principatus, quare Christus ipse Constantinum ad Ecclesiæ vocasset? Ubi nota obiter dissonantiam circa hanc historiam: nam in historia Ecclesiastica Eusebii a Ruffino versa lib. IX. cap. 9. habet Constantinum per soporem vidisse signum crucis in celo, et deinde Angelos ei dixisse: *In hoc vince*; At lib. I. de vita Constantini Eusebius refert, in itinere cum corpore oculis vidisse supra solem signum crucis cum illis litteris: *In hoc vince*; et idem signum a toto exercitu conspectum, et noctu postea ei apparuisse Christum, qui mysterium explicerit, atque haec omnia se ab ipso Constantino coram audiisse. Itaque verisimile est quod in historia habetur a Ruffino additum luisse. Alia plurima exempla addi possent Joviani, Gratiani, Theodosii junioris et senioris, Caroli Magni, Ludovici Pii, Othonis I. S. Henrici Imperatoris, S. Ludovici Regis Francorum, aliorumque multorum, qui vel in Britannia, vel in Hungaria, vel in Bohemia, vel in alijs regionibus sanctissime regnaverunt. Ad argumentum in contrarium dico Primo, falsum esse Principes ut plurimum esse malos; hic enim non agimus de regno particulari, sed de politico principatu in genere, qualis Princeps fuit Abraham, et alii; sicut ergo fuerunt mali Principes, Cain, Nemrod, Ninus, Pharaon, Saul, Hieroboom, et alii Reges Israel; ita e contrario fuerunt boni Principes, Adam, Noe, Abraham, Isaac, Jacob, Joseph, Moyses, Josue, omnes fere Judices, et plurimi Reges Iuda.

Secundo dico, exempla malorum Principum non probare malum esse principatum, saepe enim mali habuntur rebus bonis, at exempla bonorum recte probant, principatum esse bonum, quia homines boni non utuntur rebus malis. Præterea, etiam Principes mali plus prosum saepe, quam obsint, ut patet de Saule, Salomone, et aliis. Denique utilius est Reipub. malum Principem habere, quam nullum, ubi enim nullus est non potest diu consistere Respublica, dicente Salomone Proverb. XI: *Ubi non est gubernator, corruet populus* (1); et ubi est, licet malus, conservatur unitas populi. Vide Beatum Thomam in opuse. 20. cap. 6. lib. I.

(1) Prov. XI, 14.

Tertio dico, quod in Regibus Israel nullus fuerit bonus, ad insignem Dei providentiam pertinere: Deus enim id permittere voluit, quia rebellia illa Israëlitarum a tribu Juda, significabat schismata Hereticorum ab Ecclesia, ut Eucherius, docet in fine lib. III. super libro Regum: sicut enim inter Catholicos sunt boni, et mali; at inter Hereticos nullus potest esse bonus, ita quoque inter Reges Juda multi fuerunt boni, multi etiam mali. Ex Regibus Israel nullus omnino inventus est bonus.

## CAPUT V.

*Idem asseritur ex fine principatus.*

Tertia ratio ducitur a fine. Principatus politicus aedeo naturalis, et necessarius est humano generi, ut tolli non possit quia natura ipsa destruatur. Hominis enim natura est, ut sit animal sociabile; nam bruta quidem sunt in natura ita instructa, ut possint sibi singula sufficiere, homo autem cum multis rebus indiget, ut solus vivere nullo modo possit. Nam bruta nascuntur vestita, et armata, et aestimativa habent ita determinatam ad omnia, que sibi convenient, ut naturaliter sine ullo doctore statim novarent nidos aedificare, alimenta quærere, et medicinam etiam sibiipsis facere; at homo nascitur sine vestibus, sine domo, sine aliamentis, omnium rerum eugenus; et quamquam habet manus, et rationem, quibus omnia instrumenta parare potest, tamen singula longum tempus requirunt, et aedeo longum, ut sit impossibile sibi unum hominem sufficere ad omnia; presertim cum nascamur rudes, et artes magis doctrina, quam experientia discantur; ergo necesse est, ut simul vivamus, et unus alius juvet.

Præterea, etiam si quisque sufficeret sibi ad vivendum, tamen numquam sufficeret ad protegendum se ab impetu ferarum, et latronum, sed ad hoc necesse est convenire, et collatis viribus resistere; et licet sufficeret sibi etiam contra hostes, tamen semper maneret rudis, et expers sapientia, et justitia, multarumque aliarum virtutum, cum ta-

men ad hoc nati simus, ut mentem et voluntatem praecepit exerceramus. Nam scientia, et artes longo tempore, et a multis inventae sunt, et sine doctore percepit non possunt: justitia autem non nisi in societate exerceri potest, cum sit virtus constitutiva aequitatem inter plures.

Denique, donum loquendi, et audiendi, id est, percipiendi distincte verba, quosrum homini collatum est, si debeat solitarius vivere? Itaque recte Aristoteles lib. I. politorum, cap. 2. dicit, hominem natura civile esse animal, magis quam sint apes, et grues, et quecumque animalia, et si quis solitarius vivat aut esse bestiam, aut Deum, id est, aut minus, aut majus homine, neque id est contra Eremitas nostros. Nam qui penitus solitarii vixerunt, ut Paulus primus Eremita, Maria Magdalena, Maria Egyptiaca, et si qui sunt alii, dici possunt aliquid amplius homini habuisse, non natura, sed gratia; nam non sine miraculo alebantur a Deo, ut notum est; Ceteri autem etsi in solitudine degenerent, tamen frequenter simul conveniebant, et Abbatibus suis subjecti erant, ut in disputatione de Monachis demonstravimus.

Jam vero, si natura humana socialem vitam requirit, certe requirit etiam regimen, et rectorem; nam impossibile est multitudinem diu consistere, nisi sit, qui eam contineat, et cui sit cura bonum communis: sicut in unoquoque nostrum nisi esset anima quae contineret et coniungeret partes, et potentias, et elementa contraria, ex quibus constamus, statim omnia solverentur. Unde Proverb. XI: *Ubi non est gubernator populus corructus?* (1). Deinde societas est multitudo ordinata, non enim dicitur societas multitudo confusa, et dispersa; ordo autem quid aliud est, quam series quaedam inferiorum et superiorum? Necessario igitur rectores habentur, et sunt, si societas futura est.

Ex hac ratione solvit tertium argumentum Anabaptistarum; falsum enim assumunt, cum dicunt, regimen politicum permisimus Iudeis ob imperfectionem eorum, nobis autem non convenire, quia unctio docet nos de omnibus: nam unctio hoc in primis docet esse necessarium, habere rectorem; nec sufficit scire omnia, sed oportet etiam multa facere, et parare, quae non possunt sine aliorum auxilio.

Et praeterea hinc deducitur falsum esse, politicam potestatem in universum consider-

quod M. T. dicit in primo de inventione, fuisse olim tempus, quo homines vagarentur more bestiarum, deinde a sapienti quodam et eloquente homine vi eloquentia persuasos convenire, et simul vivere. Quod idem etiam hoc tempore dicere solent quicunque eloquentiam laudandam suscipiunt. At revera numquam fuit, nec esse potuit, tale tempus. Nam Adam sapientissimus fuit, et sine dubio non permisit homines vagari more bestiarum, et Cain filius ejus, sacrificavit etiam civitatem materialem: ante Cain, et Adam nulli fuerunt. Sed non mirum. Ciceronem et alios Ethnicos talia dicere; nam Ethnici quia putabant mundum fuisse ab eterno, et tamen videbant omnes partes esse novas, et non extare memoriam nisi paucorum annorum, inde suspiciunt sunt, longissimo tempore homines vixisse more ferarum, et solum extare memoriam rerum gestarum ab eo tempore, quo cooperunt homines simul degere. Sed Christiani, qui ex testimonio Dei didicunt, mundum creatum fuisse ante annos nondum sexies milenarios, et primos homines urbes continuo habere copisse, mirum profecto est, cur dicere audeant, longissimo tempore homines sine rectorre, et sine civitatis more ferrarum vixisse.

## CAPUT VI.

*Idem asseritur ratione ducta ab efficiente.*

Quarta ratio ab efficiente sumitur; nam certum est politicam potestatem a Deo esse, a quo non nisi res bone, et licite procedunt. Id quod probat Augustinus in toto fere IV et V. libro de civit. Dei; Nam sapientia Dei clamat Proverb. VIII: *Per me Reges regnant.* Et infra: *Per me Principes imperant.* Et Daniel II: *Deus vobis regnum et imperium dedit tibi eto.* Et Daniel IV: *Cum bestiis, ferisque erit habitatio tua, fierum, ut bos, conedes, et rorae cœli infunderis, septem quoque tempora mutabuntur super te, donec scias quod dominetur excelsum super regnum hominum, et cuicunque voluerit, det illud* (2).

Sed hic observanda sunt aliqua. Primo, politicam potestatem in universum consider-

(1) Prov. XI, 14. — (2) Prov. VIII, 15 et 16; Dan. II, 37; IV, 22.

ratam, non descendendo in particulari ad Monarchiam, Aristocratię, vel Democrię, immediate esse a solo Deo: nam consequitur necessario naturam hominis, proinde esse ab illo, qui fecit naturam hominis. Praeterea haec potestas est de jure naturae, non enim pendet ex consensu hominum: nam velint, nolint, debent regi ab aliquo, nisi velint perire humanum genus, quod est contra naturae inclinationem. At jus naturae est jus divinum, iure igitur divino introducta est gubernatio; et hoc videtur propriè velle Apostolus, cum dicit Roman. XIII: *Qui potest resisti, Dei ordinatio resistit* (1).

Secundo nota, hanc potestatem immēdiata esse tamquam in subjecto, in tota multitudine: nam haec potestas est de jure divino. At jus divinum nulli homini particulari dedit hanc potestatem: ergo dedit multitudini. Praeterea sublatio liceo positivo, non est major ratio cur ex multis aequalibus unus potius, quam alius dominetur. Igitur potestas totius est multitudinis. Denique humana societas debet esse perfecta Republica: ergo debet habere potestatem seipsum conservandi, et proinde puniendi perturbatores pacis etc.

Tertio nota, hanc potestatem transferri a multitudine in unum vel plures eodem jure naturae: nam Republica non potest per seipsum exercere hanc potestatem: ergo tenetur eam transferre in aliquem unum, vel aliquos paucos; et hoc modo potestas principium in genere considerata, est etiam de jure naturae et divino, ne posset genus humanum, etiam si totum simul conveniret, contrarium statuere, nimurum, ut nulli essent principes vel rectores.

Quarto nota, in particulari singulas species regimini esse de jure gentium, non de jure naturae, nam pendet a consensu multitudinis, constituere super serem vel consules, vel alios magistratus, ut patet; et si causa legitima adsit, potest multitudine mutare regnum in Aristocratię aut Democratiam, et e contrario ut Romæ factum legimus.

Quinto nota, ex dictis sequi, hanc potestatem in particulari esse quidem a Deo, sed mediante consilio, et electione humana, ut alii omnia, que ad jure gentium pertinent. Jus enim gentium est quasi conclusio deducta ex jure naturae per humanum discursum. Ex quo colliguntur duas differentias inter potes-

(1) Rom. XIII, 2.

tatem politicam, et Ecclesiasticam; una ex parte subjecti, nam politica est in multitudine, Ecclesiastica in uno homine tamquam in subjecto immediate; altera ex parte efficientis, quod politica universa considerata est de jure divino, in particulari considerata est de jure gentium; Ecclesiastica omnibus modis est de jure divino, et immediate a Deo.

Ex his ad argumentum quartum Anabaptistarum respondeo. Primo: Argumentum solum probare da regno in particulari, non de ipso principatu in universum, nos autem hoc loco principatum in universam, non certam aliquam ejus formam constitutum volumus. Addo secundo, sapissime regna esse justa et injusta; Deo, et non a Deo; nam ex parte ipsorum occupantium et invadentium, regna sunt latrocinia, et injusta, et proinde non a Deo; tamen ex parte divinae providentiae, que uitio mala intentione hominum, et illam ordinat vel ad peccata punienda, vel remuneranda bona opera, vel ad alios bonos fines, regna illa sunt justa, et legitima. Deus enim interdum admirabiliter ratione providentiae sue, ita quibusdam regna adimit, quibusdam largit, ut et qui regno cadit, justissime cadat, nec tamen justè possideat, qui regnum invadit, datus etiam ipsis suo tempore illius invasionis justissimas ponas. Ac longe alia ratione. Deus filii Israel Palestinam tradidit possidendum, quam illam eamdem vel Salamanas, vel Nabuchodonosor postea tradiderit. Siquidem filii Israel, duce Josue, laudabiliter obedienter cum Palestiniis pugnabant, illisque ad internectionem delitos, terras corrum sibi vendicabant. Salamanas vero, et Nabuchodonosor, detestabili sacrilegio, Dei populum captivum duebant; neque enim imperio Dei, sed pravae sue cupiditatis obsequi volebant, tametsi Deus ipsis et etiam ignorantibus utebatur ad id quod justissime fieri volebat.

Explicant hanc rem accurate S. Augustinus, lib. de gratia, et libero arbitrio, cap. 20 et 21, et Hugo Victorinus lib. I. de Sacramentis, par. I. cap. 29, nec desunt scripturarum testimonia. Nam Isaiae X. sic legimus: *Assur virgo furoris mei, et baculus ipse est, in manu eorum indignatio mea. Ad gentem fallacem mittam eum, et contra populum furoris mei mandabo illi, ut auferat spolia, et diripiatur prædam,*

*et ponam illum in conculationem, quasi lumen platearum; ipse autem non sic arbitratur, et cor eius non ita existimabit etc.* (1) Ubi loquitur de Salmanasar, et Sennacherib, qui animo iniquo occupaverunt regiones Israel; tamen Deus illis nescientibus usus est eorum opera ad panendum Israelitas.

Sic Isaiae XLV: *Hec dicit Dominus Christo meo Cyro, cuius apprehendi dexteram, ut subiectam ante faciem ejus gentes, et dorsa regum verant. Ego ante te ibo, gloriosos terre humiliabo etc. propter servum meum Jacob, et Israel electum meum; et vocavi te nomine tuo, assimilari te, et non cognovisti me* (2). Ex quo loco apparet Cyrus acquisivisse sibi Monarchiam ex cupiditate dominandi, et non propter Dei obsequium: et tamen Deum illi affuisse, et Monarchiam, quam quarebat, illi dedisse, ut ipse liberaret populum Israel de Babylonica captivitate.

Hierem. XXVII: *Ego dedi omnes terras istas in manu Nabuchodonosor Regis Babylonis servi mei; Insper et bestias agri dedi ei, ut serviant illi, et servient ei omnes gentes, et filio ejus, et filio filii ejus, donec veniat tempus regis magni. Gens autem, et regnum, quod non servierit Nabuchodonosor regi Babylonis, et quicunque non curaverit collum suum sub iugo regis Babylonis, in gladio et in fane et in peste visitabo super gentem illam, ait Dominus omnipotens* (3). Et tamen quis dubitat, quoniam Nabuchodonosor mala intentione subjecerit sibi tot regna?

Ezechiel quoque ait, cap. XXIX: *Nabuchodonosor Rex Babylonis servire fecit exercitum suum servitudo magna adversus Tyrum, et merces non est redditio ei de Tyro pro servitute, qua servivit mihi adversus eam. Et infra: Dedi et terram Aegypti pro quoq laboraverit mihi, ait Dominus Deus* (4).

Sic Romani non propter Deum, sed cupide glorie quarebant Monarchiam, ut B. August. ostendit prolixo libr. V. civit. Dei cap. 12, et tamen Deus Monarchiam eis donavit, tum, ut mercede redderet bonis eorum operibus moralibus, ut idem Augustin. docet lib. V. cap. 45. civit. Dei, tum etiam, ut per unionem omnium Gentium sub uno principatu pararetur via Evangelica predicationi, ut B. Leo dicit serm. I. de SS. Petro et Paulo.

(1) Isaï X, 5 et seq. — (2) Isaï XLV, 1 et seq. — (3) Jérém. XXVII, 6 et seq. — (4) Ezech. XXIX, 18. — (5) Matth. XXII, 21. — (6) Gen. I, 28.

Addit tamen, quod etiamsi initio, qui regna constituerunt, fuerint invasores, ut plurimum; tamen successu temporis fluit vel ipsi, vel successores eorum legitimi Principes, quia populi paulatim consentiunt. Hoc modo regnum Francorum nunc omnium consensu legitimum est, licet initio Franci iniuste Galilias occupaverint. Atque idem dici potest de regno Hispanico, quod ab invasione Gothorum copit; et de regno Anglorum, quod caput ab injusta occupatione Anglosaxonum; et de ipso Imperio Romano, quod a Julio Caesaris patrie oppressore constitutum est; quod tamen postea adeo legitimum esse copit, ut Dominus dixerit Matth. XXII: *Redde quae sunt Caesaris, Caesaris etc.* (5).

### CAPUT VII.

*Idem asseritur ex antiquitate.*

Quinta ratio sumitur ab origine; Nam etsi subiectio servilis coepit post peccatum Adæ, tamen politicus principatus fuisset etiam in statu innocentie; et probatur primo, quia etiam tunc homo fuisset naturaliter animal civile, et sociale, ac proinde rectore opus habuisset.

Secundo, ex ipsa creatione; Nam ideo Deus fecit mulierem ex viro, et non creavit simul multos viros, sed unum tantum, ex quo omnes alii nascerentur; ut indicaret ordinem et prefecturam, quam inter homines esse volebat, ut Chrysostom. observat, homil. 34. in I. ad Corinth.

Tertio, quia in illo statu fuisset disparitas sexuum, statuum, ingeniorum, sapientiae et probitatis: ergo et prefectura ac subiectio; nam in humana societate debuit esse ordo. Rectus autem ordo postulat, ut inferiore a superiori regatur, feminam a viro, junior a seniore, minus sapiens a sapientiore, et minus bonus a meliore: quod autem ha diversitates tunc etiam locum habuissent, sic ostendit potest.

In illo statu fuisset generatio, ut patet Genes. I. *Crescite, et multiplicamini* (6): ergo et

sexus disparitas, quæ necessario praecedit generationem, et disparitas statum, quæ necessario sequitur generationem, et disparitas sapientie et probitatis, quæ sequitur statum disparitatem; non enim fuissent nativi homines perfecti in illo statu, sed debuissent paulatim discere, et proficere. Fuissent quidem omnes nati in gratia Dei, et cum majori cognitione, quam nunc, ut Augustinus docet lib. I. de Baptismo parvulorum, c. 38. at sine dubio non fuissent tam perfecti, quam adulii: et inter ipsos adulios poterant per liberum arbitrium alii magis, alii minus applicari ad discedendum.

Denique ingeniorum varietas oritur ex varietate corporum; fuissent autem tunc corpora varia magnitudine, forma, robore, et similibus, ut patet, quia illa corpora non erant exempla a legibus nature, et egebat cibo, aeris inspiratione, celorum influxibus: fuisset igitur etiam tunc ingeniorum diversitas. Vide B.Thomam I. par. quast. XCVI et CV.

Quarto, inter Angelos est praefectura, et subiectio, cur ergo inter homines non fuisset in statu innocentie? Curte Beelzebul dicitur princeps Daemoniorum, Matth. XII: qui sane principatum non acquisivit peccando, sed retinuit, quem ante habebat in eos Angelos, qui eum secuti sunt. Et Apocalyp. cap. XII. dicitur: *Michael, et Angeli ejus* (1). Denique Dionysius cap. 9. coelestis Hierarchie, dicit primam Hierarchiam Angelorum praesesse, et imperare secundis, et secundam tertie. Et B. Gregor. homil. 34. in Evangel. dicit, nomina Principatum et Dominatum in Angelis, aperte significare, quod cuiusdam conditionis est potius, quam electio-

nis.

Ad tertium fateor, Cain primum edificasse materialem civitatem, sed non propterea sequitur ibi corpore politicum regimen; nam etiam sine civitate materiali potest esse Respublica et Principatus; neque negari potest, quin Adamo subjecti fuerint filii et nepotes ejus.

Ad quartum dico, Augustinum loqui de servitute proprie dicta, ut ex toto illo capite patet; ubi inter alia sic ait: «Conditio servitutis jure intelligitur imposita peccatori etc.» Neque obstat quod Augustinus ibidem dicit, quod primi justi, pastores, magis per eorum, quam Reges hominum constituti sunt, ut hinc etiam insinuaret Deus, quid postularet ordo creaturarum, et quid exigat meritum peccatorum; nam hoc loco respicit ad abusum nominis regum, quod interdum accipiat pro despoticó principatu; nam ut idem Augustinus ait lib. V. de civit. Dei cap. 12, Rex dicitur a regendo, et consulendo, non a regnando atque dominando; et hoc modo Abraham, Isaac, et Jacob Reges dici potuerint: tamen quia fastus humanus

(1) Apoc. XII, 7. — (2) Matth. XX, 27. — (3) Gen. III, 16.

Regem dici putat a regnando et dominando, unde est illud Domini, Luc. XXII : Reges Gentium dominantur eorum (1), ideo prius iusti, pastores pecorum potius, quam Reges hominum dicti sunt.

Ad quintum dico, Gregorium non loqui de principato politico simpliciter, sed adjuncto metu, et tristitia, et timore etc. quae per peccatum inventa sunt; et cum ait, omnes homines natura esse aequales, et per peccatum fieri inaequales, et ideo unum ab altero regi debere, non intelligit homines natura esse aequales sapientia vel gratia, sed aequales in essentia et specie humana; et qua aequalitate recte colligitur, non debere unum alteri dominari, quomodo homo dominatur bestiis, sed solum debere unum ab altero regi politice. Unde ibidem subdit : « Nam contra naturam superbire, est ab aequalibus velle timeri; » Quia vero peccatores per peccatum similes sunt bestiis, et degenerant ab ea naturae integritate, in qua creati fuerant; ideo ibidem Gregorius dicit recte post peccatum unum alteri dominari copisse; cum terrore minando et puniendo, quod in statu innocentiae non fuisset.

## CAPUT VIII.

*Principatum sive dominium in impiis esse posse.*

Quod secundo loco proponimus, videlicet principatum in impiis esse posse, facile probare poterimus. Ac primum occurrit error Armacani, qui lib. X. *q̄uestiōnū Armenicarū*, cap. 4. docet, titulum praecepit dominiorum esse gratiam Dei, sive justitiam et charitatem: alios autem titulos omnes in hoc fundari, et qui justitia et gratia Dei carent, nullum habere verum dominium. Eundem errorem eodem tempore docuit Joannes Wicel, quem refellit optime Thomas Walensis lib. II. *doctrinalis fidei*, cap. 81. et seq. usque in finem libri, et postmodum errorem eundem asseruit Joannes Huss, ut patet ex Concilio Constantiensi, sess. XV.

Argumenta eorum erant tria. Primum ex

(1) Luc. XXII, 25. — (2) Osee VIII, 4. — (3) Eccl. X, 8. — (4) Sap. VI, 4; Isai, XLV, 1; Jerem. XXVII, 6; Dan. II, 37.

Scriptura Osee VIII : *Ipsi regnaverunt, et non ex me, Principes exstiterunt, et non cognovī, argentinū suum et aurum suum fecerunt sibi idola, ut interirent* (2). Ubi Dominus improbat dominia improborum Regum, et dicit, se non dedisse ea illis, et causam reddit, quia idola sibi fecerunt. Secundum argumentum ex illo Eccles. X : *Regnum a Gente in Gentem transferetur propter iniquitatis* (3). Argumentum tertium, ex ratione, quia non est Dominum, nisi a Deo, Deus autem nullo modo conferret dominia improbus, tum quia hostes eius sunt; tum etiam, quia videretur approbare abusum; abundantur enim omnes impius sua potestate.

Hic error facile refellitur. Primo, Scripturam Sapient. VI : A *Domino data est potestas vobis, et cum essetis ministri regni illius, non recte iudicatis etc.* Isai. XLV : *Hoc dicit Dominus Christo meo Cyro etc.* Hieremias XXVII : *Ego dedi, inquit Dominus, omnes terras istas in manu Nabuchodonosor Regis Babylonis etc.* Et Daniel. II : *Tu es Rex Regum, et Deus celi dedit regnum tibi etc* (4). Et Roman. XIII, et I. Pet. II, Apostoli Petrus et Paulus docentes, Regum potestatem esse a Deo, et illis obediendum, cum tamen nulli tunc essent Reges, nisi infideles.

Secundo, ex Concilio Constantiensi, sess. VIII. et XV. ubi hunc errorum Ecclesia damnavit.

Tertio, ex Augustino, qui lib. V. de civit. Dei, cap. 21: « Quia cum ita sint, inquit, non tribuamus dandi regni atque imperii potestatem, nisi Deo vero, qui dat felicitatem in regno celorum solis piis, regnum vero terrenum et piis et impiis, sicut ei placet, cui nihil injuste placet. » Et infra : « Qui dedit, inquit, Mario, ipse et Cesari, qui Augusto, ipse et Neroni, qui Vespasiano vel patri, vel filio, suavissimis Imperatoribus, ipse et Domitiano crudelissimo, et ne per singulos ire necesse sit, qui Constantino Christiano, ipse et Apostata Juliano. »

Quarto, ratione : Nam dominii fundamentum non est gratia, sed natura: homo enim quia factus est ad imaginem Dei, prouide mente ac ratione praeditus est, ideo dominatur rebus inferioribus, ut ex I. cap. Genes. deduci potest : at nature in infidelibus manet, licet gratia careant, igitur et dominia vera habere possunt. Ad haec, cum gratia ex

justitia sit occultissima, et nemo sciat de se, vel de alio, an sit vere justus, si gratia est set titulus dominiorum, sequeretur, nullum dominium esse certum. Ex quo nasceretur incredibilis confusio et perturbatio inter homines. Neque argumenta eorum aliquid concludunt.

Ad primum dico, illis verbis non improbari a Deo Reges malos, sed improbari, quod Iudei voluerint habere Regem, cum Deus esset Rex eorum; nam, ut exponit B. Hieronymus, in hoc cap. VIII. explicat Osee causas, propter quas populus Israel tradidens erat in captivitatem, et unam dicit esse, quia voluerunt habere Regem; alteram, quod fecerunt sibi idola. Quod autem valde peccaverint, volentes Regem habere, perspicuum est ex lib. I. Reg. cap. XII. ubi post electum Saulem in Regem, Samuel sic ait ad populum : *State et videte rem istam grandem, quam facturus est Dominus in conspectu vestro. Numquid non messis tritici est hodie? Invocabo Dominum, et dabit voces et pluvias; et sciatis, et videbitis, quia grande malum feceritis vobis in conspectu Domini, petentes super vos Regem* (1).

Ad secundum dico, transferri regna de Gente in Gentem propter iniquitatem, quia Deus propter peccata Regum saepe donat victoriam hostiis eorum, sed non propterea eo ipso, quod peccant, jus regni amiserunt.

Ad tertium dico, Dei benignitatem decere, ut etiam hostibus suis beneficiat, ut legimus in Evangelio Matth. V : *Solem suum oriri facit super bonos et malos, et pluit super justos et iniquos* (2). Neque propterea approbat abusum. Non enim donat regna impiis, ut eis abutantur, sed vel ut beneficium ejus invitati convertantur a peccatis suis, ut B. Hieronymus exposuit in illud Isai. XLV : *Hoc dicit Dominus Christo meo Cyro : Ego ante te ibo, et gloriose terra humiliabo, portas areas conteram, et vectes ferreas confringam, et dabo tibi thesauros absconditos, et arcana secretorum, ut scias, quia ego Dominus etc.* (3)

Et vel remuneret quedam benefacta eorum ut B. Augustinus docet lib. V. de civit. Dei, cap. 45. vel denique, qui interdum hoc merentur peccata populorum, ut idem August. docet lib. V. de civit. Dei, cap. 19. ex illo Job. XXXIV : *Qui regnare facit hominem hy-*

(1) I. Reg. XII, 16 et 17. — (2) Matth. V, 45. — (3) Isai XLV, 1. — (4) Tob. XXXIV, 30. — (5) Matth. V, 40; I. Cor. VI, 7; Matth. V, 38; Id. XXVI, 52.

## CAPUT IX.

*Proponitur quæstio de potestate magistratus.*

Sequitur tercia quæstio : Liceatne Christiano magistratu[m] leges condere, judicia exercere, et punire improbos. Sunt autem duo errores refendendi. Primus est Waldensium et Anabaptistarum, qui haec omnia negant. Argumenta vero eorum sunt, quod legum obligatio tollat Christianam libertatem; judicia autem prohibeantur, Matth. V : *Si quis voluerit tecum iudicio contendere, et tunica tuam tollere, da ei et pallium.* Et I. Corinth. VI : *Delictum est in vobis, quod iudicia habetis inter vos; cur non magis fraudem patimini?* Quare non magis injuriam accipitis? Denique punire gladio interdictum videatur Christianis, Matth. V. *Dictum est antiquis, oculum pro oculo, dentem pro dente, ego autem dico vobis non resistere malo;* constat autem in legi veteri non fuisse permisum, nisi magistratu[m], penam talionis inferre: ergo hoc ipsum Christus prohibet, qui etiam Matth. XXVI, ait : *Omnes qui acceperint gladium, gladio perirent* (5).

Secundus error Calvinii est, qui etis lib. IV. Institut. cap. 20. probat contra Anabaptistas, in Ecclesia debere esse leges civiles, iudicia et gladium, tamen lib. IV. Institut. cap. 40. §. 5. asserti leges civiles non obligare in conscientia: quod ante illum docuerat Joannes Gerson de vita spirituali lect. 4. et Almain de potestate Ecclesiastica quæst. I. cap. 40. Rationes ha[ec] sunt.

Prima, quia potestas politica est temporalis: ergo nihil ei cum conscientia. Secunda, quia finis legum civilium est pax externa. Tertia, quia Princeps non iudicat de internis. Quarta, quia Princeps non potest inferre

pœnam spiritualem : ergo nec ad illam obligare. Quinta, quia Princeps non potest absolvere, ergo nec ligare. Sexta, quia bis puniretur idem peccatum, semel hic, semel in alio saeculo. Septima, quia Princeps ut plurimum non intendit obligare ad culpam. Octava, quia potius debemus prævaricari gravissimam legem civilem, quam levissimam divinam, ut illam de non mentiendo officioso ; at ista non obligat, nisi ad veniam culpam : ergo illa ad nihil obligat ; nam si obligaret ad peccatum, præcipue mortale, oportet potius cavere mortale, quam veniale.

## CAPUT X.

## Prima Propositio.

Contra hos eftores prima hæc erit propositio : « Fiet Christiano Principi leges condere. » Probatur ; nam in primis proprium est Principi leges condere, juxta illud Prover. VIII : *Per me Reges regnant, et legum conditores iusta decernunt.* Et Isai. XXXIII : *Dominus Rex noster, Dominus Legifer noster ; nam Regis est iubere, et jubendo dirigere.* Porro lex est ipsa iusso et regula : ergo si Christiani esse possunt Principes, certe etiam possumus leges condere ; et confirmatur ex Augustino lib. XIX. de civit. Dei cap. 47. : « Civitas, inquit, coelestis, dum apud terram civitatem, vel ut captivam vitam sue peregrinationis agit, jam promissione redemptionis, et domo spirituali, tamquam pignore accepto, legibus terrena civitatis, quibus haec administrantur, que sustentandæ mortalitate accommodata sunt, obtemperare non dubitat. » Et infra : « Hæc ergo ecclesiæ civitas dum peregrinatur in terra, ex omnibus gentibus cives evocat, atque in omnibus linguis peregrinam colligit societatem, non curans quidquid in moribus, legibus, institutione diversum est, quibus pax terræ vel conqueritur, vel tenetur, nihil eorum rescidens, vel destruens, imo etiam servans, ac sequens. »

Secundo probatur ex necessitate legum civilium. Christiani ex eo quod Christiani sunt, non desinunt esse homines et cives, et

proinde membra Reipublicæ temporalis : ergo debent habere regulam aliquam actionum suarum humanarum, qua dirigantur in commerciis, et consuetudine cum aliis hominibus. Non sufficit autem lex naturalis, quia solum principia generalia ostendit, neque ad particularia descendit. Non sufficit etiam lex Evangelica quia illa tractat solum de rebus divinis et coelestibus, ut notum est : lex autem divina politica Testamenti veteris jam cessavit, solum enim conveniebat uni illi populo Iudeorum, et in illo statu : ergo necessaria est alia aliqua regula humana, nimur arbitrium Principis, aut lex civilis auctoritate Principis constituta. Et quamquam arbitrium Principis aliquo modo sufficerat, quando Princeps est sapiens, et populus exiguis ; tamen absolute necessaria est, populum regi legibus, non solo arbitrio Principis, si recte regi debeat. Quod interduum sufficiat arbitrium Principis, patet, quia antiquiora sunt regna, quam leges. Justinus lib. I. histor. dicit, olim populus sine ullis legibus, solo Principiū arbitrio, gubernari solitos ; et ex Livio lib. III. constat, Romanam Rempublicam ad annos 300. sine legibus gubernatam. Denique antiquissimus legislator vel est Moses, ut Josephus contendit in lib. contra Appionem, vel certe Phroneus, qui 300 annis Mose fuit antiquior, ut Eusebius in Chron. et Augustin. lib. XVII. civit. Dei cap. III. docent. Atqui ante Phroneum constituta sunt regna Assyriorum, Argivorum, Ægyptiorum, et aliorum.

Quod autem melius sit regi populum legibus, quam solo Principiū arbitrio, immo quod sit hoc aliquo modo necessarium, affirmat Aristotel. lib. III. polit. cap. 11. Et probatur primo, quia facilius est inventire unum vel duos bonos et sapientes, quam plurimos. Si Respul. debeat regi arbitrio boni Principiū, indigebit infiniti boni Principiū, quorum unus alteri succedit, at si gubernetur legibus, sufficit semel fuisse aliquos, vel unum sapientem, qui legem fecerit.

Secondo, qui leges condunt multi sunt ; et diligenter eas examinant ; at Princeps est unus, et sape repente judicare debet.

Tertio, qui leges fecerunt, sine amore et odio judicarunt : nam de rebus absentibus judicarunt. Princeps de presentibus judi-

(1) Prov. VIII, 15; Isai XXXIII, 22.

cat, ubi locum habent amici, propinquui, munera, terrores etc. unde judicium legum est judicium solius rationis, judicium hominis est judicium rationis et libidinis, id est, hominis et bestie.

Quarto, judicium Princeps etiamsi rectissimum sit, vix unquam caret suspicione, invidia, querelis, maledictis ; at judicium legis his omnibus caret, quippe quod securum non possunt corrumphi numeribus.

Quinto, gubernatio per leges potest longissimo tempore eadem perseverare ; at judicia hominum saepè mutantur.

Sexto, gubernatio per leges potest reduci ad artem, et facilius effici ; non autem gubernatio ad arbitrium hominis.

Septimo, melior est gubernatio Princeps per se, quam per vicarios ; at gubernatio sine legibus necessario requirit multis vicarios, qui omnes ad arbitrium suum judicent ; quando autem per leges gubernatur, ipse Princeps omnia per se judicare censemur, cum ejus legibus judicetur.

Tertio probatur ; nam si non licet Principi Christiano legibus obligare populum, id esset propter libertatem Christianam, sed hoc dici non potest. Nam tantum abest, ut lex opponatur libertati Christianæ, ut potius opponatur servituti contrarie eidem libertati, id quod ostendo ex ipsa natura libertatis Christianæ : nam libertas Christiana opponitur servituti peccati, Joan. VIII : *Amen, amen dico vobis, qui facit peccatum, servus est peccati, servus autem non manet in domo in eternum : filius manet in eternum ; si ergo vos filii liberaverit, vere liberi eritis.* Et Rom. VI : *Liberati a peccato, servi facti estis justitiae* (1). Vocatur autem hæc iustificatio a peccato libertas quedam, quia qui in peccato est, donec non liberatur per gratiam, non potest velle bonum ordinatum ad vitam æternam ; habet quidem liberum arbitrium, quia potest ex pluribus malis eligere unum, et etiam eligere bonum morale ; at eligere bonum divinum non potest, nisi saltem liberari incipiat per Dei gratiam prævenientem, quia captiuus tenetur a Diabolo ad ipsius voluntatem, ut dicitur II. Timoth. II. at liberum arbitrium liberatum per gratiam potest bonum divinum velle, et facere. Sed major adhuc libertas erat in statu innocentia, quia tunc homo poterat nullum unquam velle malum, quod nunc etiam justi non

possunt ; maxima autem erit in celo, ubi non poterimus velle ullum malum. Itaque triplex est gradus libertatis, sicut etiam triplex gradus vita corporalis. Primus est Beatorum, qui sic poterunt vivere, ut non possint mori, et sic poterunt bene agere, ut non possint peccare.

Secundus fuit Adam et Eva in statu innocentie, quisic poterant vivere, ut possent etiam numquam mori, et sic poterant bene agere, ut possent etiam numquam peccare.

Tertius noster, qui sic possumus vivere, ut non possimus aliquando non mori : et sic possumus bene agere, ut non possimus non peccare saltem venialiter. Infra hos tres gradus non est quartus, nisi non vivere, et non bene agere, qui gradus ad damnatos pertinet. Vide August. lib. de corrept. et grad. cap. II. Cum ergo libertas consistat in eo, ut possimus eligere bonum, et rejicare malum, manifestum est, legem non pugnare cum libertate ; non enim impedit, quo minus possumus eligere bonum, et rejicare malum, sed contra potius juvat : nam prebet materiam exercende libertatis. At servitute recte opponi dici potest lex, quia non potest impleri a servo peccati, Unde Paulus Rom. III : *Quid ergo, inquit, legem destruimus per fidem? absit, sed legem statuimus* (2). Vide Augustin. de spiritu et littera, cap. 30.

Probatur secundo hoc idem. Lex divina non pugnat cum libertate : ergo nec lex humana. Antecedens patet, nam Adam liberatus est, et tamen lex ei imposta fuit, ut non vesceretur ligno scientia boni et mali, Genes. II. Probatur consequentia ; nam lex divina et humana quoad obligationem sunt omnino aequales, ut patet in seq. capite.

## CAPUT XI.

## Secunda Propositio.

« Lex civilis non minus obligat in conscientia, quam lex divina, etsi minus firma et stabilis sit hæc, quam illa. » Explico, lex divina et humana differunt quoad firmitatem, quia divina non potest abrogari ab homine, humana potest ; at quoad obligatio-

(1) Joan. VIII, 34; Rom. VI, 18. — (2) Rom. III, 31.

nem non differunt, utraque enim obligat in conscientia, nunc ad mortale, nunc ad veniale peccatum pro rerum ipsarum gravitate; ita ut nulla sit melior regula ad discernendum, utrum lex humana obliget ad mortale, an ad veniale, quam cogitare legem illam esse divinam, et videre, si divina esset, quomodo obligaret.

Probatur primo: vis obligativa est de essentia legis, ut dictum est lib. IV. de Pontifice, cap. 16. et obligare est effectus necessarius legis: ergo omnis lex et a quocumque feratur, sive a Deo, sive ab Angelis, sive ab homine, et homine sive Episcopo, sive regre, sive patre, eodem modo obligat. Probatur consequentia a simili, nam quia hominis essentia est, rationale esse, et propria passio esse risibilem, omnis homo est rationalis et risibilis, sive sit creatus a solo Deo, ut Adam, sive a Deo ex alio homine, ut Eva, sive ab hominibus genitus, ut Cain. Antecedens patet, nam lex est regula morum; regula autem proprium est intrinsecus ita dirigere, ut recessus ab ipsa sit peccatum in moribus, sicut recessus a regula in natura libuit dicitur peccatum naturae, ut sunt monstra, et recessus a regula in artibus est peccatum artis.

ubi notandum est, quod sicut res ceterae, quoad existentiam, pendet ab agente, non quoad essentiam, essentiae enim sunt eternae; sunt enim quedam participationes possibiles divinae essentiae: ita etiam lex, quoad existentiam, pendet a legislatore; non enim erit lex, nisi dicetur ab eo, qui habet auctoritatem. At quoad essentiam non pendet; quod enim lex obligat est quid eternum, et immutabile, et participatio quedam legis aeternae Dei, qui est prima et summa regula; et hoc videtur voluisse dicere B. Augustinus, lib. XXII. contra Faustum, cap. 27. cum ait: « Peccatum est dictum, vel factum, vel concupitum, contra aeternam Dei legem. » Nam sive quis pravaricetur legem naturalem, sive positivam, sive divinam, sive humanam, semper peccat contra legem aeternam, quia omnis lex est legis aeterna participatio. Et quamquam non potest fieri, ut aliqua vera lex non sit a Deo, cum non possit condiri, nisi ab habente potestatem, et non sit potestas nisi a Deo, Roman. XIII. tam si (per impossibile) esset lex non a Deo, adhuc obligaret ad culpam, sicut si (per im-

possibile) homo existeret non factus a Deo, adhuc esset rationalis.

Probatur secundo; nam si lex obligaret solum quia divina, omnes leges divinae aequaliter obligarent, ut patet; nam eadem esset ratio obligationis in omnibus. At hoc est falsum: nam magis obligat lex, non occides, quam lex, non furaberis; et magis lex, non furaberis, quam lex, non mentieris; et lex, non mentieris, quam lex, non loqueris verbum otiosum.

Praeterea tertio, ostensive, illa lex divina magis obligat, cuius violatio est magis contraria fini legis, id est, charitatem; ideo enim pejus est occidere quam furari, quia magis contra charitatem; et ideo mortale est mentiri perniciose, veniale est mentiri officiose, quia illud est contra charitatem; huc vero preter charitatem: sed lex humana etiam habet pro fine charitatem, et ordinat media ad hunc finem; quod enim iudicat Apostolus: *Finius praecepti est charitus* (1), de omni praecepto intelligitur, et patet, nam lex civilis justa, semper est vel conclusio, vel determinatio legis divine moralis: ergo habent eundem finem, et solum in hoc videntur differre, quod lex humana dirigit actus humanos in ordine ad actus externos dilectionis, id est, ad pacem et conservationem Reipublicae; lex autem divina dirigit etiam in ordine ad internos actus charitatis: igitur eadem est ratio legis divine et humanae, quod attinet ad obligationem.

Sed objicies: si ex natura rei, et ex ordine ad charitatem sumitur gravitas peccati, superflue sunt leges, nam aequo obligamus ante legem, ac post legem ad id fugiendum, quod natura sua ledit charitatem, et ad id faciemus, quod est necessarium ad conservandam charitatem.

Respondeo, negatur consequentia: nam si lex non adgit generaliter aliquid praepiens, aut prohibens, multa que sunt mala uni, non erunt alteri mala, v. g. si lex non sit, que prohibeat gestare arma, erit malum gestare arma ei, qui facile provocatur ad iram, et qui habet inimicos, quibus cupit nocere: at non erit malum homini pacifico, et qui solum cupit seipsum defendere. Tamen si id lex prohibeat, jam est malum omnibus; lex enim non debet respicere, quid huic aut illi sit bonum vel malum, sed quid prosit, aut oblitus Reipublicae. Praeterea

(1) I. Tim. 1. 5.

plurima sunt necessaria vel noxia bona communia, que tamen non sunt bona vel mala ulli in particulari, nisi lego praeципiantur, vel prohibeantur: v. g. tributum necessarium est Regi, tamen si lex non adgit, non est necessarium ut ego solvam; nam parum prodest meum solius tributum Regi, neque ad me pertinet videre, quibus rebus indigat Republica, et sic possint omnes dicere. Similiter noxiun est Reipublicae exportari aurum ex provincia, at non est nouum notabiliter, quod ego solus exportem meum aurum, et sic omnes dicere possint; Lex ergo necessaria est, que generaliter praecipiantur, et prohibentur, publice utilitati propiciata.

Quarto, lex divina positiva ideo obligat ad peccatum, quia constituit actum, quem praecepit in genere virtutis, cum ante non esset: nam si Iudeus non ex contemptu, sed ex cibi appetitu moderate comedisset catnem suillam in lege prohibitam, sine dubio peccasset, non autem peccasset formaliter contra obedientiam, quia non ex contemptu, ergo contra temperantiam; at moderate vesci carne suilla, ex se non est contra temperantiam, sed res quedam indifferens, ergo lex fuit, quae illam abstinentiam fecit actum temperantie necessarium. At hoc idem videtur in lege humana: nam lex divina non alia de causa facit esse actum virtutis eum, qui ex se erat indifferens, nisi quia est regula morum ab eo posita, qui habuit auctoritatem praecependi. Sed homo etiam potest praecipere, et regulas morum constituere, ut supra ostendimus; potest igitur homo lege sua constituere actum, aliqui indifferens, in genere virtutis: prouide pares sunt lex divina et humana, quoad obligationem.

Quinto, lex divina et humana ita differunt, ut lex Regis et Proregis, sive lex Pontificis et ejus Legati. At ista obligant eodem modo, et solum differunt firmitate, ergo et illae. Propositio patet; nam Scriptura passim testantur, Reges esse ministros Dei, et ab illo habere auctoritatem et loco eius iudicare, Proverb. VIII. Sap. VI. Rom. XIII. I. Pet. II. Assumptio etiam patet, nam auctoritas Proregis est a Rege, et Legati a Papa; et experientia idem testatur, et confirmatur ex sanctis Patribus Augustino et Bernardo. Augustinus in titulum Psal. LXX: « Ubi, inquit, hoc jubet pater, quod contra Dominum non sit, sic audiendus est, quo-

modo Deus etc. » Certum autem est, majorem esse Regis, quam patris auctoritatem, ut idem Augustinus dicit serm. 6. de verbis Domini. Bernardus tract. de praecept. et dispensat. « Sive Deus, sive homo vicarius Dei mandatum quocumque tradiderit, pari profecto obsequendum est cura, pari reverentia deferendum, ubi tamen Deo contraria non praecepit homo »; ubi clare dieit, difference leges ex parte materie, non autem ex parte praeципientium.

At objicies: nam B. Bernardus ibidem loquens de mandatis hominum, dicit, jussa sine culpa non negliguntur, sine criminis non contemnuntur, ubique enim et culpabilis neglectus, et contemptus damnabilis est: ubi videtur dicere, legem humananumquam obligare ad culpam mortalem, nisi ratione contempsat. Respondeo: loquitur de praeceptis rerum levium, in talibus enim non potest esse crimen, nisi ratione contemptus. Nec enim possunt Prelati pro arbitrio obligare ad culpam mortalem.

Sexto probatur, quia videtur implicare contradictionem, posse Principes obligare ad peccatum, et non ad culpam, si quidem culpa et peccata relativa sunt. Et B. Augustinus dicit lib. I. retract. cap. 9: « Omnis peccata si justa est, peccata est. » Et in epist. 403. et alibi, Deum ipsum fore injustum assertit, si quemquam damnaverit innoxium. Quomodo igitur possunt Principes damnavare ad mortem eos, qui leges suas prevaricantur, si illi nihil peccaverunt? si culpam in conscientia non contraxerunt?

Dices: quomodo ergo Regule quorundam religiosorum obligant ad peccatum, et non ad culpam? Respondeo: obligant non per modum legis, sed per modum conventionis et pacti, ut leges pure penales. Nec illa est proprie peccata, sed penalis afflictio suscepta in auxilio spiritus.

Septimo et ultimo ex doctrina Apostolorum; nam Roman. XIII. Paulus multis modis id asserit. Primo, cum ait: *Omnis anima potestatis sublinioribus subdita sit; non enim est potestas, nisi a Deo.* Secundo, cum ait: *Qui potestati resistit, Dei ordinacioni resistit.* Tertio, cum ait: *Qui autem resistit, ipsi sibi damnationem acquirunt.* Id enim de aeterna damnatione exponunt Patres Graeci et Latini in hunc locum. Quarto, cum ait: *Ideo necessitate subditi estote.* Quinto, cum ait: *Non solum propter iram, sed etiam propter conscientiam.* Sexto, cum ait: *Ministri enim*

*Dei sunt. I. Pet. II: Subjecti estote propter Deum (1), id est, non solum timore ponere. Hoc loca satis demonstrant quod volumus: Nam si Principes a Deo potestatem habent imperandi, certe qui eis non parent, non solum Principes, sed etiam Deum offendunt; et si qui Principi resistunt, Dei ordinationi resistunt; certe peccant in conscientia, non secus ac si divinas leges prævaricarentur; et si qui resistunt, damnationem sibi acquirent, certe culpam ea pena dignam incurvant. Et si necessitate subdit sint privati Principibus non solum propter iram sed etiam propter conscientiam, quomodo non peccant in conscientia qui eis non obediunt? Denique si Principes, Dei ministri sunt et eis propter Deum parentum est, profecto majestatem Dei leadunt, qui Principium mandato committunt. Ad argumenta in contrarium.*

Ad primum, secundum, et tertium respondeo, ex eo, quod potestas politica est temporalis, et ejus finis est pax exterior, et homo non iudicat de internis, recte colligi, eam non posse obligare, nisi ad actus temporales et exteriores; non autem non posse obligare in conscientia: nam etsi ista regula dirigit actus exteriores, tamen quia regula est, ab ipsa deviare, peccare est.

Dices: quomodo potest lex, vel potestas temporalis producere effectum spiritualem, id est, ligare conscientiam? Respondeo: licet potestas politica et ejus lex dicantur temporales ratione objecti, quia versantur circa temporalia, et exteriora; tamen in se res sunt spirituales. Praeterea, ligare conscientiam non est aliquid efficiere in rem spiritualem, sed solum imperare alteri, et sic imperare, ut si non obediatur peccatum, et testimonio propriae conscientiae intelligat, vel intelligere possit, se peccare. Itaque quicumque potest jubere, potest ligare conscientiam, etiam si de internis non iudicet, nec scrutetur conscientiam alterius.

Ad quartum et quintum dico, Principem non posse inferre penam spiritualem et aeternam, nec posse dimittere ejusmodi penam, et tamen posse obligare ad illam; quia id facit autoritatem Dei, qui ei concedit unum, et non alterum; sicut si Rex permetteret Proregi obligare subdilos ad ponam capitii, et tamen non permetteret ei per se exercere iustitiam, vel condonare supplicium. Vel dicendum est, legem politicam

obligare ad poenam aeternam, non ut est lex hominis, sed ut est lex ministri Dei. Qui enim ministrum Dei offendit, simul etiam Deum ipsum offendit; quocirca si (per impossibile) Deus non esset in rerum natura, et tamen lex politica similiter per impossibile extaret aliqua, illa obligaret in conscientia, et ejus prevaricatio peccatum esset, sed nulla sequeretur prevaricatorem poena spiritualis aut aeterna damnationis.

At sextum dico, non esse absurdum, idem peccatum puniri a pluribus, et pluribus in locis, quando plures offendit, sicut videmus homicidii sepe abscondi manus in eo loco, ubi cedem patrarent, et deinde in loco publice iustitia abscondi caput.

Ad septimum dico, ex intentione legislatoris pendere; an velit revera imperare, et veram legem condere, an vero solum ostendere quid agendum sit, sine alio imperio: sed si velit revera imperare, et veram legem condere, non est in ejus potestate impedire, quin lex obliget ad mortale, aut veniale, pro rei magnitudine.

Ad ultimum dico, quod legi divinae cedat humana, quando simul servari nequeunt, non esse causam, quia humana non obliget ad peccatum, sed quia lex humana minus firmiter statuta est; in tali enim casu desinit esse lex, et proinde etiam obligare. Vide de quodam in lib. IV. de Pontifice; et praeterea Joannem Driedonem in III. lib. de libertate Christiana; Adrianan quodlib. 6. Franciscum Victoriam in relectione de potestate civili; Alphonsum a Castro, lib. 1. de potestate legis penalitatis, cap. 4. et Dominicum a Soto, lib. I. quest. 6. art. 4. de iustitia et jure.

## CAPUT XII.

### Tertia propositio.

«*Judicia publica exercere non est illicitum Christianis.» Probatur Primo, quia proprium est Principis iudicare. Scriptura enim fere conjugere solet Regem et Judicem, Psal II: *Et nunc Reges intelligite, eruditimi qui iudicatis terram. Isaiae XXXIII: Dominus Rex**

(1) Rom. XIII, 1 et seq.; I. Petr. II, 13.

*noster, Dominus Legifer noster, Dominus Juxta noster. Hieremie XXIII: Regnabit Rex, et sapiens erit, et faciet iudicium et iustitiam in terra (1). Si ergo licet Christianis habere Principem, cur non et Judicem?*

Secundo, quia nihil prodissent leges, si nulla esset deberent iudicia: at leges tolli non debent, ut supra ostensum est, igitur nec iudicia.

Tertio, Scriptura utriusque Testimenti iudicia admittit; sic enim legitimus Deut. XVI: *Judices et Magistros constitues in omnibus portis tuis, ut judicent populum justo iudicio. I. Corinth VI: Saecularia iudicia si habueritis, contemptibiles qui sunt in Ecclesia, hoc constitue ad iudicandum; sic non est sapiens quisquam in vobis, qui iudicare possit fratrem suum (2).* Ubi Apostolus monet Corinthios, ut in eis causis, in quibus non tenebantur necessario adire tribunalia Gentilium, constituerent inter se iudicem.

Neque difficile erit argumenta solvere, quae initio posita sunt. Ad illa igitur verba Matth. V: *Si quis voluerit tecum iudicio contendere, et tunicam tuam tollere, relinque illi et pallium.* Respondeo cum S. Augustino in in epist. 5. ad Marcellinum, ea solum intelligi debere secundum animi preparationem: nam ibidem Dominus ait: *Si quis te peruersit in unam macillam, proba illi et alteram.* Et tamen idem ipse Dominus Joann. XVIII, peruersus in maxilla, non prebut alteram, sed dixit: *Cur me cades? (3)* Quo exemplo docuit, quemadmodum præcepta intelligentia.

Ad verba Apostoli I. Corinth. VI: *Delictum est in vobis etc. (4)* dico primo, vocem *Delictum*, Graece esse ἄτακτα, quod non peccatum, sed imperfectionem significat, et sic exponit Theodoreetus. Dico secundo, si delictum significet peccatum, ut exponunt Chrysostomus et Ambrosius in hunc locum, et Augustin. in Enchirid. cap. 78. et lib. II. de serm. Domini in monte, cap. 15. et conc. 24. in Psalm. CXVIII, dico, inquam, vocari delictum, non quod in se peccatum sit, sed quia ut plurimum non caret peccato, vel ratione finis, ut quando litigatur ex avaritia, vel ratione medi, ut quando litigatur cum odio, rancore, jurgii, vel ratione iniustiae, ut quando miscentur dolii et fraudes,

(1) Psal. II, 10; Isaiae XXXIII, 22; Jerem. XXIII, 5 — (2) Dent. XVI, 18; I. Cor. VI. — (3) Matth. V, 40 et 39; Joan. XVIII, 23. — (4) I. Cor. VI, 7. — (5) Gen. IX, 6; XXXVIII, 24. — (6) Exod. XXI, 12; Matth. XXVI, 52. — (7) Rom. XIII, 4.

## CAPUT XIII.

### Quarta propositio.

«*Licet Christiano magistratu gladio punire perturbatores publice quietis.» Probatur primo Scripturis; nam in lege nature, Mosis, et Evangelica habemus præcepta, et exempla hujus rei. Nam Genes. IX. Deus ait: *Qui effuderit humanum sanguinem, fundetur sanguis illius.* Que verba non possunt sonare prædictiōnēm, quia predicit hujusmodi sāpē esset falsa, sed ordinatiōnēm et præceptū. Unde Chaldaica paraphrasis vertit: *Qui effuderit sanguinem cum testibus, ex sententiā iudicis fundetur sanguis illius.* Genes. XXXVIII. dixit Judas: *Producite eam, ut comburatur (5).* Ubi Judas Patriarcha tamquam princeps familiæ adjudicavit adulteram ad ignis supplicium.*

In lege Mosis plurima sunt præcepta, et exempla. Exod. XXI: *Qui percussit hominem volens occidere, morte moriat.* Et ipse Moses, Josue, Samuel, David, Elias, aliqui SS. viri plurimos occiderunt. Matth. XXVI: *Qui accepserit gladium, gladio peribit (6).* Que verba non possunt recte intelligi, nisi hoc modo: Omnis, qui cadem injustum fecerit, debet a magistratu pariter occidi. Reprehendit enim Dominus Petrum, non quod justa defensio sit illicita, sed quod non tam se aut Dominum defendere, quam injuriam Domino factam ulcisci vellet, cum tamen ipse non haberet publicam auctoritatem, ut recte exponunt August. tract. 412. in Joan. et Cyril. lib. XI. in Joan. cap. 35. praeterea Rom. XIII: *Si male egeris, time; non enim sine causa gladium portas, minister enim Dei est (7).* Apostolus dicit datum gladium a Deo principibus contra facinorosos: ergo si in